

Հավելված
Հաստատված է
ՀՀ Կենտրոնական բանկի խորհրդի
2017 թվականի մարտի 3-ի թիվ 53-Ն որոշմամբ

Հավելված 7
ՀՀ կենտրոնական բանկի խորհրդի
2013 թվականի հունիսի 7-ի
թիվ 142-Ն որոշման

Կ Ա Ր Գ
**ԱՃՈՒՐԴԻ ՀԱՄԱԿԱՐԳԻ ՕՊԵՐԱՏՈՐԻ ՄԻՋՈՑՈՎ ՊԵՏԱԿԱՆ ՊԱՐՏԱՏՈՄՍԵՐԻ
ՏԵՂԱԲԱՇԽՄԱՆ ԵՎ ՀԵՏԳՆՄԱՆ ԱՐԴՅՈՒՆՔՈՒՄ ՀԱՅԱՍՏԱՆԻ
ՀԱՆՐԱՊԵՏՈՒԹՅԱՆ ԿԵՆՏՐՈՆԱԿԱՆ ԲԱՆԿԻ ԿՈՂՄԻՑ ՎԵՐՋՆԱՀԱՇՎԱՐԿԻ
ԻՐԱԿԱՆԱՑՄԱՆ**

ԳԼՈՒԽ 1. ԸՆԴՀԱՆՈՒՐ ԴՐՈՒՅԹՆԵՐ

1. Սույն կարգը սահմանում է Աճուրդի համակարգի օպերատորի միջոցով Հայաստանի Հանրապետության պետական (գանձապետական) կարճաժամկետ պարտատոմսերի, միջնաժամկետ ու երկարաժամկետ արժեկտրոնային պարտատոմսերի տեղաբաշխման և հետգնման արդյունքում Հայաստանի Հանրապետության կենտրոնական բանկի կողմից վերջնահաշվարկի իրականացման ընթացակարգը:

**ԳԼՈՒԽ 2. ՍՈՒՅՆ ԿԱՐԳՈՒՄ ՕԳՏԱԳՈՐԾՎՈՂ ՀԻՄՆԱԿԱՆ
ՀԱՍԿԱՑՈՒԹՅՈՒՆՆԵՐԸ**

2. Սույն կարգում կիրառվող հիմնական հասկացություններն են.
 - 1) **Կենտրոնական բանկ**` Հայաստանի Հանրապետության կենտրոնական բանկ,
 - 2) **Թողարկող**` Հայաստանի Հանրապետության ֆինանսների նախարարություն,
 - 3) **Պարտատոմս**` Թողարկողի կողմից թողարկված` Հայաստանի Հանրապետության պետական գանձապետական կարճաժամկետ պարտատոմսեր, միջնաժամկետ և երկարաժամկետ արժեկտրոնային պարտատոմսեր: Սույն կարգի իմաստով պարտատոմս չի համարվում Հայաստանի Հանրապետության պետական գանձապետական խնայողական արժեկտրոնային պարտատոմսերը,
 - 4) **Վերջնահաշվարկ իրականացնող**` ըստ «Հայաստանի Հանրապետության պետական գանձապետական կարճաժամկետ պարտատոմսերի, միջնաժամկետ և երկարաժամկետ

արժեկտրոնային պարտատոմսերի թողարկման պայմանները, տեղաբաշխման, վերջնահաշվարկի, հետգնման, շրջանառության և մարման սպասարկման» կարգի: Վերջնահաշվարկ իրականացնողի գործառույթները կատարում է Հայաստանի Հանրապետության կենտրոնական բանկը,

- 5) **Աճուրդի համակարգի օպերատոր՝** Թողարկողի հետ պայմանագիր կնքած՝ աճուրդի համակարգն ապահովող իրավաբանական անձ,
- 6) **Գործակալ՝** Հայաստանի Հանրապետության օրենսդրությամբ սահմանված ներդրումային ծառայություններ մատուցող անձ, որը թողարկողի հետ կնքել է պարտատոմսերի շուկայում գործակալի գործառույթների կատարման մասին պայմանագիր,
- 7) **Պետական արժեթղթերի հաշվառման և հաշվարկների իրականացման համակարգ (այսուհետ՝ Համակարգ)՝** Կենտրոնական պահառուի մոտ վարվող դեպո հաշիվներում պարտատոմսերի հաշվառումը և դեպո հաշիվներով հաշվարկների իրականացումն ապահովող համակարգ,
- 8) **Կենտրոնական պահառու (այսուհետ՝ Պահառու)՝** թողարկողի առջև պարտատոմսերի պաշտոնական ամրագրման, շրջանառության պարտավորությունները կրող պահառուական գործունեություն իրականացնող անձ, որը թողարկողի հետ ունի կնքած պահառության պայմանագիր,
- 9) **Ենթապահառու՝** պահառուական գործունեություն իրականացնող անձ, որի մոտ հաշվառվում են սեփական, անվանատիրոջ և (կամ) ըստ առանձին ներդրողների՝ վերջիններիս սեփականության իրավունքով պատկանող պարտատոմսերը,
- 10) **Տեղաբաշխում՝** ըստ «Հայաստանի Հանրապետության պետական գանձապետական կարճաժամկետ պարտատոմսերի, միջնաժամկետ և երկարաժամկետ արժեկտրոնային պարտատոմսերի թողարկման պայմանները, տեղաբաշխման, վերջնահաշվարկի, հետգնման, շրջանառության և մարման սպասարկման» կարգի,
- 11) **Հետգնում՝** ըստ «Հայաստանի Հանրապետության պետական գանձապետական կարճաժամկետ պարտատոմսերի, միջնաժամկետ և երկարաժամկետ արժեկտրոնային պարտատոմսերի թողարկման պայմանները, տեղաբաշխման, վերջնահաշվարկի, հետգնման, շրջանառության և մարման սպասարկման» կարգի,
- 12) **Թողարկողի դրամական հաշիվ՝** Թողարկողի գանձապետական միասնական հաշիվն է Կենտրոնական բանկում,
- 13) **Դեպո հաշիվ՝** Պարտատոմսերի հաշվառման համար նախատեսված կենտրոնական պահառուի կամ ենթապահառուի գրառումների բազմություն, որը միավորված է ընդհանուր հատկանիշներով,
- 14) **Մասնակիցների դրամական հաշիվներ՝** Մասնակիցների դրամական հաշիվները Կենտրոնական բանկում,

- 15) **Մասնակիցներ՝** Գործակալներ, որոնք մասնակցում են պարտատոմսերի տեղաբաշխմանը և (կամ) հետգնմանը, ինչպես նաև Կենտրոնական բանկը,
- 16) **Գործարք՝** պարտատոմսի առք և (կամ) վաճառք,
- 17) **Գործարքի կնքման օր (ամսաթիվ)՝** Աճուրդի համակարգի միջոցով պարտատոմսի առքի և (կամ) վաճառքի գործարքի կնքման օր,
- 18) **Աճուրդ՝** տեղաբաշխման (այդ թվում՝ տեղաբաշխման լրացուցիչ աճուրդ) և (կամ) հետգնման աճուրդ,
- 19) **Աճուրդի համակարգ՝** ըստ «Հայաստանի Հանրապետության պետական գանձապետական կարճաժամկետ պարտատոմսերի, միջնաժամկետ և երկարաժամկետ արժեկտրոնային պարտատոմսերի թողարկման պայմանները, տեղաբաշխման, վերջնահաշվարկի, հետգնման, շրջանառության և մարման սպասարկման» կարգի,
- 20) **Աճուրդի օր (ամսաթիվ)՝** օրացուցային օր, երբ պետք է կազմակերպվի աճուրդը,
- 21) **Վերջնահաշվարկ՝** գործողությունների ամբողջություն, որի արդյունքում մարվում են դրամական միջոցների և Պարտատոմսերի փոխանցման հետ կապված Աճուրդի համակարգի մասնակիցների և թողարկողի միջև գործարքների կնքման արդյունքում ծագած պարտավորությունները,
- 22) **Վերջնահաշվարկի օր (ամսաթիվ)՝** Թողարկողի կողմից սահմանված օրացուցային օր, երբ պետք է իրականացվի կնքված գործարքին համապատասխան՝ դրամական միջոցների և Պարտատոմսերի փոխանցման հետ կապված պարտավորությունների մարումը,
- 23) **Էլեկտրոնային հաղորդագրություն՝** Կենտրոնական բանկի կողմից հաստատված հատուկ ֆորմատներով կազմված էլեկտրոնային ստանդարտացված հաղորդագրություն, որի միջոցով ներկայացվում են վերջնահաշվարկի կատարման դեպո հանձնարարականները, դրանց ընդունման, կատարման, մերժման և այլ հաղորդագրությունները,
- 24) **Վերջնահաշվարկի կատարման հաղորդագրություն՝** էլեկտրոնային հաղորդագրություն, որը պարունակում է ըստ յուրաքանչյուր Մասնակցի սեփական և ներդրողների Պարտատոմսերի տեղաբաշխման (հետգնման) արդյունքում վերջնահաշվարկի իրականացման հետ կապված տեղեկատվությունը (<S515),
- 25) **Պարտատոմսերի տեղաբաշխման (հետգնման) մասին ամփոփ հաղորդագրություն՝** էլեկտրոնային հաղորդագրություն, որն օգտագործվում է պետական պարտատոմսերի տեղաբաշխման և (կամ) հետգնման աճուրդների պարամետրերի, մասնակիցների բավարարված գործարքների գումարային տվյալների փոխանցման համար (<S575),
- 26) **«Առաքում վճարման դիմաց» սկզբունք՝** Պարտատոմսերի փոխանցում Թողարկողի և Մասնակիցների դեպո հաշիվների միջև, որը միաժամանակ ուղեկցվում է Թողարկողի և Մասնակիցների միջև դրամական միջոցների փոխանցմամբ,

- 27) **Ներդրող՝** ըստ «Հայաստանի Հանրապետության պետական գանձապետական կարճաժամկետ պարտատոմսերի, միջնաժամկետ և երկարաժամկետ արժեկտրոնային պարտատոմսերի թողարկման պայմանները, տեղաբաշխման, վերջնահաշվարկի, հետգնման, շրջանառության և մարման սպասարկման» կարգի,
- 28) **Հաշվանց՝** ըստ Հայաստանի Հանրապետության Քաղաքացիական օրենսգրքի,
- 29) Սույն կարգում կիրառվող այլ հասկացություններն ունեն «Արժեթղթերի շուկայի մասին» Հայաստանի Հանրապետության օրենքով, «Հայաստանի Հանրապետության պետական գանձապետական կարճաժամկետ պարտատոմսերի, միջնաժամկետ և երկարաժամկետ արժեկտրոնային պարտատոմսերի թողարկման պայմանները, տեղաբաշխման, վերջնահաշվարկի, հետգնման, շրջանառության և մարման սպասարկման» կարգով, պետական պարտատոմսերով գործառնությունները կարգավորող այլ օրենքներով և իրավական ակտերով սահմանված նշանակությունը:

ԳԼՈՒԽ 3.

ՎԵՐՋՆԱՀԱՇՎԱՐԿԻ ԻՐԱԿԱՆԱՑՄԱՆ ԸՆԹԱՑԱԿԱՐԳԸ

3. Կենտրոնական բանկն ապահովում է Պարտատոմսերի տեղաբաշխման և հետգնման արդյունքում վերջնահաշվարկի իրականացման գործընթացը:
4. Տեղաբաշխման (հետգնման) վերջնահաշվարկի իրականացման համար օգտագործվում են Մասնակիցների դրամական և ազատ կարգավիճակով դեպո հաշիվները ու Թողարկողի դրամական և տեղաբաշխման ենթակա (հետ գնված) արժեթղթերի դեպո հաշիվները Կենտրոնական բանկում:
5. Պարտատոմսերի տեղաբաշխման (հետգնման) հետ կապված վերջնահաշվարկի իրականացման համար համապատասխան տեղեկատվությունը Աճուրդի համակարգի օպերատորի կողմից ըստ յուրաքանչյուր Մասնակցի Կենտրոնական բանկին տրամադրվում է բացառապես էլեկտրոնային եղանակով՝ Վերջնահաշվարկի կատարման հաղորդագրությամբ (ՀՏ515): Տեխնիկատեղեկատվական վթարների դեպքում Վերջնահաշվարկի կատարման հաղորդագրությունը պարունակող ֆայլը մուտքագրվում է Համակարգ Կենտրոնական բանկում տեղադրված պահուստային տերմինալից: Թղթային եղանակով որևէ տեղեկատվություն չի տրամադրվում:
6. Կենտրոնական բանկը մերժում է Պարտատոմսերի տեղաբաշխման (հետգնման) մասին ամփոփ տեղեկատվություն պարունակող (ՀՏ575) և Վերջնահաշվարկի կատարման (ՀՏ515) հաղորդագրությունները, եթե նշված հաղորդագրությունները չեն համապատասխանում Կենտրոնական բանկի կողմից սահմանված ձևաչափին, ինչպես նաև սույն կարգով նախատեսված այլ դեպքերում:

7. Կենտրոնական բանկը պատասխանատվություն չի կրում Վերջնահաշվարկի կատարման հաղորդագրության մեջ սխալ կամ թերի նշված տեղեկատվության համար:
8. Պարտատոմսերի տեղաբաշխման (հետգնման) մասին ամփոփ տեղեկատվությունը (<S575) Աճուրդի համակարգի օպերատորի կողմից Կենտրոնական բանկին տրամադրվում է տեղաբաշխման (հետգնման) իրականացման օրը, ընդ որում, եթե վերջնահաշվարկն իրականացվում է «T+0» սկզբունքով՝ մինչև ժամը 15:00-ն:
9. Վերջնահաշվարկի կատարման հաղորդագրությունը (<S515) Աճուրդի համակարգի օպերատորի կողմից Կենտրոնական բանկին տրամադրվում է ըստ յուրաքանչյուր Մասնակցի՝ մինչև վերջնահաշվարկի իրականացման օրվա ժամը 15:00-ն:
10. Վերջնահաշվարկի կատարման հաղորդագրությունը (<S515) Աճուրդի համակարգի օպերատորի կողմից Կենտրոնական բանկին տրամադրվում է միայն Պարտատոմսերի տեղաբաշխման (հետգնման) մասին ամփոփ տեղեկատվության (<S575) տրամադրումից հետո: Հակառակ դեպքում՝ Վերջնահաշվարկի կատարման հաղորդագրությունը մերժվում է:
11. Աճուրդի համակարգի օպերատորի միջոցով կատարվող՝ Պարտատոմսերի տեղաբաշխման և հետգնման գործարքների միջև հաշվանց չի իրականացվում: Կենտրոնական բանկի կողմից նույն օրվա ընթացքում Պարտատոմսերի տեղաբաշխման և հետգնման կամ մի քանի տեղաբաշխման և (կամ) հետգնման հետ կապված վերջնահաշվարկի իրականացման դեպքում տեղաբաշխման և հետգնման կամ մի քանի տեղաբաշխման և (կամ) հետգնման վերջնահաշվարկները կատարվում են միմյանցից անկախ՝ առաջինը հասանելի՝ առաջինը ելք սկզբունքով: Վերջնահաշվարկի կատարման յուրաքանչյուր հաղորդագրություն կատարվում է ըստ դրանում նշված հաջորդականության: Վերջնահաշվարկի յուրաքանչյուր հաղորդագրության կատարման փորձից հետո, սույն կարգի 18-րդ, 20-րդ, 28-րդ և 30-րդ կետերով սահմանված կանոնների պահպանմամբ, անցում է կատարվում Վերջնահաշվարկի հաջորդ հաղորդագրության կատարմանը:
12. Կենտրոնական բանկի կողմից նույն օրվա ընթացքում Պարտատոմսերի տեղաբաշխման և մարման հետ կապված վերջնահաշվարկի իրականացման ժամանակ հաշվանց չի կատարվում:
13. Պարտատոմսերի տեղաբաշխման (հետգնման) հետ կապված գործարքների վերջնահաշվարկն իրականացվում է «T+n»-երրորդ օրը, որտեղ T-ն գործարքի կնքման ամսաթիվն է, իսկ n-ը գործարքի կնքման օրվան հաջորդող աշխատանքային օրերի թիվը: Վերջնահաշվարկի իրականացման օրը սահմանվում է Թողարկողի կողմից, սակայն չի կարող գերազանցել 2 աշխատանքային օրը:
14. Եթե վերջնահաշվարկի օրը համընկնում է ոչ աշխատանքային օրվա հետ, ապա վերջնահաշվարկի կատարման օր է համարվում հաջորդ աշխատանքային օրը:

ԳԼՈՒԽ 4.

ՊԱՐՏԱՏՈՄՍԵՐԻ ՏԵՂԱԲԱՇԽՄԱՆ ԱՐԴՅՈՒՆՔՈՒՄ ԿԵՆՏՐՈՆԱԿԱՆ ԲԱՆԿԻ ԿՈՂՄԻՑ ՎԵՐՋՆԱՀԱՇՎԱՐԿԻ ԻՐԱԿԱՆԱՑՄԱՆ ԱՌԱՆՁՆԱՀԱՏԿՈՒԹՅՈՒՆՆԵՐԸ

15. Նախքան վերջնահաշվարկի հետ կապված գործընթացի իրականացումը Աճուրդի համակարգի օպերատորից Վերջնահաշվարկի կատարման հաղորդագրության ստացման պահին Կենտրոնական բանկն իրականացնում է սույն կարգով նախատեսված պահանջներին համապատասխանության ստուգում: Անհամապատասխանության դեպքում հաղորդագրությունը մերժվում է, հակառակ դեպքում՝ պահպանվում Համակարգում մինչև վերջնահաշվարկի կատարման օրը:
16. Կենտրոնական բանկի կողմից վերջնահաշվարկի հետ կապված գործողությունները կատարվում են հետևյալ ժամկետներում.
 - 1) եթե Վերջնահաշվարկի կատարման հաղորդագրությունը Կենտրոնական բանկը ստանում է նախքան Վերջնահաշվարկի օրը, վերջնահաշվարկի հետ կապված գործողությունները կատարվում են վերջնահաշվարկի կատարման օրվա ժամը 10:00-ից մինչև 16:50-ը,
 - 2) եթե Վերջնահաշվարկի կատարման հաղորդագրությունը Կենտրոնական բանկը ստանում է Վերջնահաշվարկի օրը, վերջնահաշվարկի հետ կապված գործողությունները կատարվում են սույն կարգի 15-րդ կետով նախատեսված ստուգումից հետո՝ մինչև ժամը 16:50-ը:
17. Աճուրդի համակարգի օպերատորից ստացված Վերջնահաշվարկի կատարման հաղորդագրության հիման վրա Կենտրոնական բանկն ապահովում է վերջնահաշվարկի իրականացումը՝ տվյալ Մասնակցի համար ներկայացված հաղորդագրության մեջ նշված հերթականությանը համապատասխան՝ ըստ սույն կարգի 11-րդ և 12-րդ կետերով նախատեսված ընթացակարգի:
18. Եթե մասնակցի դրամական հաշվին փաստացի առկա միջոցները չեն բավարարում որևէ գործարքի վերջնահաշվարկի իրականացման համար, ապա տվյալ գործարքի վերջնահաշվարկը չի կարող իրականացվել մասնակիորեն՝ տվյալ մասնակցի հաշվին առկա միջոցների չափով: Մասնակցի՝ միևնույն հաղորդագրության մեջ նշված հաջորդ գործարքների վերջնահաշվարկը ևս չի կատարվում՝ անկախ իրականացման հնարավորությունից:
19. Վերջնահաշվարկի իրականացման ժամանակ՝ մասնակցի դրամական հաշվից միջոցների ելքագրման և մասնակցի դեպո հաշվին Պարտատոմսերի փոխանցման գործընթացը Կենտրոնական բանկի կողմից իրականացվում է ըստ յուրաքանչյուր գործարքի առանձին՝ առաքում վճարման դիմաց սկզբունքով:

20. Պարտատոմսերի տեղաբաշխման հետ կապված վերջնահաշվարկի իրականացման ժամանակ մասնակցի հաշվին դրամական միջոցների անբավարարության դեպքում չկատարված գործարքների վերաբերյալ տվյալները շարունակում են պահվել, և Համակարգում սահմանված հաճախականությամբ (յուրաքանչյուր 20 րոպեն մեկ) փորձ է արվում կատարել այդ գործարքները՝ մինչև ժամը 16:50-ը:
21. Մինչև սույն կարգի 20-րդ կետով նախատեսված ժամը վերջնահաշվարկի չկատարման դեպքում չկատարված յուրաքանչյուր գործարք մերժվում է՝ պահպանելով սույն կարգի 18-րդ կետում նշված պայմանը:
22. Պարտատոմսերի տեղաբաշխման հետ կապված վերջնահաշվարկի իրականացման արդյունքում համապատասխան դրամական միջոցները Կենտրոնական բանկի կողմից մուտքագրվում են Թողարկողի դրամական հաշվին և ուղարկվում է հաղորդագրություն (ՀՏ910) Թողարկողի դրամական հաշվին մուտքագրված գումարի վերաբերյալ:
23. Պարտատոմսերի տեղաբաշխման հետ կապված իրականացված վերջնահաշվարկի արդյունքների վերաբերյալ Կենտրոնական բանկի կողմից վերջնահաշվարկի օրը ստորև նշված անձանց տրամադրվում է հետևյալ տեղեկատվությունը.
- 1) Աճուրդի համակարգի օպերատորին՝ կնքված գործարքների կատարման արդյունքների մասին՝ նշելով Մասնակիցների մերժված և կատարված գործարքները (ՀՏ516),
 - 2) Մասնակիցներին՝ կնքված գործարքների կատարման արդյունքների մասին: Յուրաքանչյուր մասնակցին ուղարկվում է միայն տվյալ մասնակցի մերժված և կատարված գործարքների մասին տեղեկատվություն (ՀՏ516),
 - 3) Մասնակիցներին՝ դրամական միջոցների շարժի մասին տեղեկատվություն՝ կնքված գործարքների կատարման արդյունքում մասնակցի հաշվից ելքագրված գումարի վերաբերյալ (ՀՏ900),
 - 4) Թողարկողին՝ Աճուրդի համակարգի օպերատորին տրված տեղեկատվության պատճենը՝ կնքված գործարքների կատարման արդյունքների մասին՝ նշելով Մասնակիցների մերժված և կատարված գործարքները (ՀՏ516):
24. Կենտրոնական բանկի կողմից Մասնակիցներին դեպո և դրամական հաշիվների համապատասխան քաղվածքները տրամադրվում են՝ կնքված գործարքների համար սահմանված վերջնահաշվարկի օրվան հաջորդող աշխատանքային օրը:

ԳԼՈՒԽ 5.

ՊԱՐՏԱՏՈՄՍԵՐԻ ՀԵՏԳՆՄԱՆ ԱՐԴՅՈՒՆՔՈՒՄ ԿԵՆՏՐՈՆԱԿԱՆ ԲԱՆԿԻ ԿՈՂՄԻՑ ՎԵՐՋՆԱՀԱՇՎԱՐԿԻ ԻՐԱԿԱՆԱՑՄԱՆ ԱՌԱՆՁՆԱՀԱՏԿՈՒԹՅՈՒՆՆԵՐԸ

25. Նախքան վերջնահաշվարկի հետ կապված գործընթացի իրականացումը Աճուրդի համակարգի օպերատորից Վերջնահաշվարկի կատարման հաղորդագրության ստացման պահին Կենտրոնական բանկն իրականացնում է սույն կարգով նախատեսված

պահանջներին համապատասխանության ստուգում: Անհամապատասխանության դեպքում հաղորդագրությունը մերժվում է, հակառակ դեպքում՝ պահպանվում Համակարգում մինչև վերջնահաշվարկի օրը:

26. Կենտրոնական բանկի կողմից վերջնահաշվարկի հետ կապված գործողությունները կատարվում են հետևյալ ժամկետներում.
 - 1) եթե Վերջնահաշվարկի կատարման հաղորդագրությունը Կենտրոնական բանկը ստանում է նախքան Վերջնահաշվարկի օրը, վերջնահաշվարկի հետ կապված գործողությունները կատարվում են վերջնահաշվարկի կատարման օրվա ժամը 10:00-ից մինչև 16:50-ը,
 - 2) եթե Վերջնահաշվարկի կատարման հաղորդագրությունը Կենտրոնական բանկը ստանում է Վերջնահաշվարկի օրը, վերջնահաշվարկի հետ կապված գործողությունները կատարվում են սույն կարգի 25-րդ կետով նախատեսված ստուգումից հետո՝ մինչև ժամը 16:50-ը:
27. Աճուրդի համակարգի օպերատորից ստացված Վերջնահաշվարկի կատարման հաղորդագրության հիման վրա Կենտրոնական բանկն ապահովում է վերջնահաշվարկի իրականացումը՝ տվյալ մասնակցի համար ներկայացված հաղորդագրության մեջ նշված հերթականությանը համապատասխան՝ ըստ սույն կարգի 11-րդ և 12-րդ կետերով նախատեսված ընթացակարգի:
28. Եթե մասնակցի դեպո հաշվին փաստացի առկա Պարտատոմսերը չեն բավարարում որևէ գործարքի վերջնահաշվարկի իրականացման համար, ապա տվյալ գործարքի վերջնահաշվարկը չի կարող իրականացվել մասնակիորեն՝ տվյալ մասնակցի դեպո հաշվին առկա Պարտատոմսերի չափով: Մասնակցի՝ միևնույն հաղորդագրության մեջ նշված հաջորդ գործարքների վերջնահաշվարկը ևս չի կատարվում՝ անկախ իրականացման հնարավորությունից:
29. Պարտատոմսերի հետգնման հետ կապված վերջնահաշվարկի իրականացման ժամանակ մասնակցի դեպո հաշվից Պարտատոմսերի ելքագրման և մասնակցի դրամական հաշվին դրամական միջոցների փոխանցման գործընթացը Կենտրոնական բանկի կողմից իրականացվում է ըստ յուրաքանչյուր գործարքի առանձին՝ առաքում վճարման դիմաց սկզբունքով:
30. Պարտատոմսերի հետգնման հետ կապված վերջնահաշվարկի իրականացման ժամանակ մասնակցի հաշվին Պարտատոմսերի անբավարարության դեպքում չկատարված գործարքների վերաբերյալ տվյալները շարունակում են պահվել, և Համակարգում սահմանված հաճախականությամբ (յուրաքանչյուր 20 րոպեն մեկ) փորձ է արվում կատարել այդ գործարքները՝ մինչև ժամը 16:50-ը:
31. Մինչև սույն կարգի 30-րդ կետով նախատեսված ժամը վերջնահաշվարկի չկատարման դեպքում չկատարված յուրաքանչյուր գործարք մերժվում է՝ պահպանելով սույն կարգի 28-րդ կետում նշված պայմանը:

32. Պարտատոմսերի հետգնման հետ կապված վերջնահաշվարկի իրականացման նպատակով վերջնահաշվարկի օրը համապատասխան դրամական միջոցները Կենտրոնական բանկի կողմից ելքագրվում են Թողարկողի դրամական հաշվից և Թողարկողին ուղարկում է հաղորդագրություն (<S-900) ելքագրված միջոցների վերաբերյալ:

33. Պարտատոմսերի հետգնման հետ կապված իրականացված վերջնահաշվարկի արդյունքների վերաբերյալ Կենտրոնական բանկի կողմից վերջնահաշվարկի օրը ստորև նշված անձանց տրամադրվում է հետևյալ տեղեկատվությունը.

1) Աճուրդի համակարգի օպերատորին՝ կնքված գործարքների կատարման արդյունքների մասին՝ նշելով Մասնակիցների մերժված և կատարված գործարքները (<S516),

2) Մասնակիցներին՝ կնքված գործարքների կատարման արդյունքների մասին: Յուրաքանչյուր մասնակցին ուղարկվում է միայն տվյալ մասնակցի մերժված և կատարված գործարքների մասին տեղեկատվություն (<S516),

3) Մասնակիցներին՝ դրամական միջոցների շարժի մասին տեղեկատվություն՝ կնքված գործարքների կատարման արդյունքում մասնակցի հաշվին մուտքագրված գումարի վերաբերյալ (<S910),

4) Թողարկողին՝ Աճուրդի համակարգի օպերատորին տրված տեղեկատվության պատճենը՝ կնքված գործարքների կատարման արդյունքների մասին՝ նշելով Մասնակիցների մերժված և կատարված գործարքները (<S516):

34. Կենտրոնական բանկի կողմից Մասնակիցներին դեպո և դրամական հաշիվների համապատասխան քաղվածքները տրամադրվում են՝ կնքված գործարքների համար սահմանված վերջնահաշվարկի օրվան հաջորդող աշխատանքային օրը: